



WISCONSIN DEPARTMENT of HEALTH SERVICES

P-02654-H (04/2020)

Birth to 3 Program (Txoj Kev Pab Rau Me Nyuam Yug Kiang txog 3 Xyoos) Kev Sib Txuas Lus Rau Tsev Neeg

Cov ncauj lus tseem ceeb rau cov me nyuam thiab cov tsev neeg txog tus kab mob COVID-19

Wisconsin lub Department of Health Services (DHS) (Tuam Tsev Pab Kev Noj Qab Haus Huv) to taub zoo txog txoj kev tsis paub meej uas cov tsev neeg tau ntsib rau lub caij muaj tus kab mob kis thoob ntiaj teb COVID-19 (kab mob coronavirus). Txawm tias tam sim no yog ib lub sij hawm nyuab los DHS yeej mob siab pab cov tsev neeg kom ua tau lub neej zoo li qub li ua tau, thooj txhij nrog xyuas kom cov tsev neeg muaj kev nyab xeeb thiab kev tiv thaiv.

Cov kev txhawb thiab kev pab cuam rau cov me nyuam thiab cov neeg yeej tseem yog qhov tseem ceeb nyob rau ntawm Birth to 3 Program (Txoj Kev Pab Rau Me Nyuam Yug Kiang txog 3 Xyoos) thaum lub caij muaj kab mob kis thoob ntiaj teb no. Tam sim no muaj ntau cov kev pab cuam hauv xov tooj los sis hauv online txhawm rau kev pab txo thiab tiv thaiv kev sib kis tus kab mob COVID-19 mus rau cov me nyuam thiab cov tsev neeg, cov neeg ua hauj lwm, thiab cov neeg muab kev pab ntawm Birth to 3 Program (Txoj Kev Pab Rau Me Nyuam Yug Kiang txog 3 Xyoos). Cov tsev neeg, cov kws tswj xyuas kev pab cuam thiab cov neeg muab kev pab yuav ua hauj lwm ua ke kom tau cov kev pab cuam tshuam thaum tseem ntxov kom zoo tshaj plaws.

Txiav tu cov kev sib ntsib tim ntsej tim muag

Vim yog tus kab mob COVID-19, txoj kev pab Birth to 3 Program (Txoj Kev Pab Rau Me Nyuam Yug Kiang txog 3 Xyoos) thiaj li txiav tu cov kev sib ntsib tim ntsej tim muag nrog cov tsev neeg. Birth to 3 Program tau tsim muaj cov kev pab cuam ntau dua ntxiv uas yog yuav pab tau hauv xov tooj los sis hauv viv dis aus kom muaj tau cov kev pab cuam txuas mus ntxiv.

Txoj kev txiav tu cov kev sib ntsib tim ntsej tim muaj ntawm Birth to 3 Program (Txoj Kev Pab Rau Me Nyuam Yug Kiang txog 3 Xyoos) yog txhua yam kev sib cuag hauv tsev rau txoj kev pab xws li:

- Txhua yam kev sib cuag los txiav txim txog tus me nyuam txoj kev tsim nyog tau txoj kev pab
- Txhua yam kev sib cuag los lis kom tiav txoj kev ntsuam xyuas txoj kev pab los yog kev pab cuam rau tus me nyuam
- Txhua yam kev sib cuag los tsim ib lub tswv yim pab rau tus me nyuam hauv lub tsev neeg Individualized Family Service Plan (IFSP) (Lub Tswv Yim Npaj Pab Rau Lub Tsev Neeg)
- Kev saib xyuas kev pab cuam (kev sib cuag txhua lub hlis), xws li txhua yam kev sib txuas lus uas lub tsev neeg muaj nrog ib tug kws tswj xyuas kev pab cuam
- Txoj kev muab kev pab cuam txuas mus ntxiv

Rawsli tau hais tag saum no, cov kev pab cuam no yuav muaj hauv xov tooj los yog hauv tshuab hluav taws xob.

Yog ib tsev neeg twg ntseeg tias nws tseem ceeb rau ib tug me nyuam kom tau cov kev pab cuam tim ntsej tim muag thaum lub caij muaj kab mob kis thoob ntiaj teb, lawv yuav tau hu rau tus kws tswj xyuas kev pab cuam. Lub tsev neeg yuav tsum yog tus ntaus thawj ntawm txoj kev sib txuas lus qhia rau tus Kws Sai Xyuas Kev Pab Cuam los yog pab neeg txhawb txog hom (cov) kev pab cuam xav tau, kev rov tshab xyuas txog txoj kev tau kev pab cuam, thiab sib tham txog cov teeb meem muaj taus los ntawm ib txoj kev taug twg.

Peb tseem yuav tshuaj ntsuam xyuas txuas mus ntxiv txog qhov kev txwv ntawm kev sib ntsib sib tham tim ntsej tim muag thawm lub caij muaj kev kub ntxhov rau laj mej pej xeeem.

Kev sib txuas lus nrog cov tsev neeg tau zoo li cas

Cov tsev neeg thiab tus kws tswj xyuas kev pab cuam yuav koom ua hauj lwm ua ke los tshawb nrhiav cov hau kev rau txoj kev sib cuag thaum lub sij hawm no thiab txiav txim siab seb hom kev sib cuag twg thiaj li siv tau zoo tshaj plaws rau tsev neeg. Pib txwv, hloov txoj kev sib tham tim ntsej tim muag nrog tus kws saib xyuas kev pab cuam mus sib tham hauv xov tooj los sis saum huab cua.

Yuav pab txhawb cov me nyuam yaus thiab cov tsev neeg, cov kws tswj xyuas kev pab cuam yuav tau nquag sib txuas lus nrog txhua tsev neeg rau thaum lub sij hawm muaj tus kab mob sib kis no. Cov tsev neeg thiab tus kws tswj xyuas kev pab cuam yuav tsum koom ua hauj lwm ua ke los tsim ib txoj kev npaj sib txuas lus uas siv tau zoo tshaj plaws rau lub tsev neeg. Xav kom cov tsev neeg muaj kev sib txuas lus tsis tu ncuu nrog tus kws sai xyuas kev pab cuam thiab tham nrog lawv txog kev nyab xeeb thiab kev noj qab haus huv rau lawv tsev neeg.

Tam sim no muaj cov kev pab txhawb thiab pab cuam nyob sib nrug deb rau cov tsev neeg lawm

Cov tsev neeg, cov kws muab kev pab cuam, thiab tus kws tswj xyuas kev pab cuam yuav ua hauj lwm ua ke los tshawb nrhiav cov hau kev zoo tshaj plaws kom muaj twj ywm cov kev pab cuam rau thaum lub sij hawm no thiab txiav txim siab seb hom kev sib txuas lus twg thiaj li siv tau zoo tshaj plaws rau tsev neeg. Birth to 3 Program (Txoj Kev Pab Rau Me Nyuam Yug Kiag txog 3 Xyoos) muaj cov kev pab cuam yooj yim uas yav dhau los sib ntsib tim ntsej tim muag uas tam sim no sib ntsib tau hauv tshuab hluav taws xob kom muab tau cov kev pab txhawb thiab kev pab cuam rau cov me nyuam thiab cov tsev neeg txuas mus ntxiv. Txoj kev sib cuag nrog tus kws tswj xyuas kev pab cuam thiab pab neeg txhawb IFSP yuav muab lub caij nyoog rau cov tsev neeg sib tham txog cov kev tu ncuu muaj tam sim no, tej teeb meem tshiab los yog cov kev cov nyom thiab cov kev pab cuam yuav pab tau zoo li cas thaum lub caij muaj tus kab mob kis thoob ntiaj teb COVID-19.

Cov tsev neeg txiav txim txog cov kev hloov li cas

Txawm tias cov tsev neeg pom muaj ntau yam kev hloov ntawm ntau fab los lawv yeej tseem txiav txim txog yam zoo tshaj plaws rau tus me nyuam thiab lub tsev neeg. Tej zaum qee cov kev pab txhawb uas cov tsev neeg ib txwm muaj yuav hloov, yog li cov tsev neeg yuav tau sib tham nrog cov kws tswj xyuas kev pab cuam txog cov teeb meem los yog kev cov nyom tshiab, cov hom phiaj tshiab los yog nrhiav cov tswv yim tshiab los siv kom ua tau li cov hom phiaj. Cov kev hloov no yuav txhais tau tias qee cov kev pab

cuam yuav tau muaj hauv xov tooj, hauv viv dis aus, los yog lwm cov kev sib cuag siv mus ib ntus kom pab tau tus me nyuam cov kev tu ncu.

Cov tsev neeg yuav ua hauj lwm ua ke nrog tus kws tswj xyuas kev pab cuam thiab pab neeg txhawb IFSP kom txiav txim tau txog cov kev pab txhawb thiab kev pab cuam hloov los yog yuav hloov thaum twg thiab hloov li cas rau lub tsev neeg. Cov tsev neeg yuav tham qhia tau txog cov kev txhawj xeeb, nug tej lus txog cov khoom thiab tshuab twg thiaj siv tau rau cov kev pab cuam, sib tham txog tsev neeg txoj kev muaj rab peev xwm siv cov tshuab npaum li cas thiab sib tham txog cov muaj txiaj ntsim thiab muaj feem xyuam ntawm cov kev pab nyob sib nruq deb thiaj li paub tias yam dab tsi yuav zoo tshaj plaws rau lub tsev neeg thiab tus me nyuam.

Kev txuas cov tsev neeg ua hauj lwm tseem ceeb rau chaw zov me nyuam

Nws tseem ceeb yuav tau muaj kev zov me nyuam rau tus neeg ua yam hauj lwm tseem ceeb txhawm rau kev txo tsawg txoj kev sib kis tus kab mob COVID-19 hauv Wisconsin. Cov chaw zov me nyuam nyob thoob plaws hauv lub xeev yeej tseem qhib muab kev pab txhawb [cov neeg ua cov hauj lwm tseem ceeb](#) rau cov tsev neeg, xws li cov neeg ua hauj lwm rau chaw kho mob, cov khw muag khoom noj khoom haus, thiab lwm cov hauj lwm tseem ceeb, cov neeg uas tseem mus ua hauj lwm rau thaum lub sij hawm muaj kab mob kis thoob ntiaj teb. Xav nrhiav chaw zov me nyuam hauv zos uas nyab xeeb, siv lub Department of Children and Families' (DCF) (Tuam Tsev Pab Cov Me Nyuam thiab Tsev Neeg) cov tswv yim tshiab:

- Mus saib [daim ntawv qhia cov chaw zov me nyuam tshiab](#) kom paub seb cov neeg zov me nyuam twg nyob thoob plaws rau hauv lub xeev yog cov khoom zov.
- Xa ib daim ntawv [thov zov me nyuam](#) mus rau DCF qhov Child Care Finder (Kev Tshawb Nrhiav Chaw Zov Me Nyuam) kho tshiab.
- Mus xyuas DCF [cov tswv yim rau cov niam txiv](#) txog kev siv neeg zov me nyuam rau thaum lub sij hwm muaj tus kab mob COVID-19.

Kev tiv thaiv cov tsev neeg ntawm txoj kev raug dag

Cov tsev neeg yuav tsum tau ceev faj txog cov neeg dag noj dag haus thaum lub caij muaj tus kab mob kis thoob ntiaj teb COVID-19 no. Yog muaj neeg hu hauv xov tooj, pom hauv social media, los sis neeg tuaj khob qhov rooj hais kom tsev neeg mus ntsuas tus kab mob COVID-19 los yog mus kho mob, tsis txhob quav ntsej txog lawv. Cov kev pab cuam no, los sis txhua yam kev nug txog tej ncauj lus ntiag tug ntawm tus kheej ces tsuas yog dag nkaus xwb. Yog ib tsev neeg twg tau txais ib tsab xov tooj hu tuaj nug txog tej ncauj lus ntiag tug ntawm tus kheej thiab yog nej tsis paub tseeb tias lawv yog leej twg, muab lub xov tooj khwb thiab hu xov tooj mus cuag tus kws tswj xyuas kev pab cuam kom tau kev pab.

Cov chaw muab kev pab txog tus kab mob COVID-19 rau cov tsev neeg

Yog koj muaj lus nug los sis xav tau kev pab, tham nrog tus kws tswj xyuas kev pab cuam.

Cov ntaub ntawv nthuav dav txog tus kab mob COVID-19

Mus saib cov chaw txuas (links) nram qab no txog cov ncauj lus tshiab thiab cov ncauj lus txog tus kab mob COVID-19 tam sim no:

- [Yuav ua li cas thiaj noj qab haus huv, thiab thaum koj muaj mob lawm yuav ua li cas](#)

- [DHS cov xov xwm qhia tshiab txog tus kab mob COVID-19](#)

Kev pab txhawb cov tsev neeg rau thaum muaj tus kab mob COVID-19

Cov chaw txuas (links) ntawm no yuav muaj kev pab tau cov tsev neeg tswj xyuas txog qhov xwm txheej kab mob COVID-19:

- [Daim ntawv qhia cov lus tseeb txog tus kab mob COVID-19](#)
- [Resilient Wisconsin \(Wisconsin Khov Kho\)](#)
- [Koj yuav nyab xeeb dua yog nyob twj ywm rau hauv tsev](#)
- [Kev sib tham qhia txog tus kab mob COVID-19 rau cov me nyuam me](#)

Cov kev pab txhaw rau cov neeg zov tu cov me nyuam me

- [Kev sib cuag ntrog lwm cov niam txiv hauv Wisconsin uas ntsib cov xwm txheej zoo sib xws](#)
- [Qhov tseem ceeb ntawm kev tu xyuas tus kheej rau cov neeg zov tu me nyuam](#)

Cov chaw muab kev pab rau cov tsev neeg muaj me nyuam me

- [Kev tu xyuas cov me nyuam me rau thaum lub caij muaj kab mob kis thoob ntiaj teb](#)
- [Cov kev ua ub no lom zem rau cov me nyuam me nyob hauv tsev](#)
- [Cov kev qhia txuj ci tsw yim rau cov me nyuam thaum yau](#)